

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Kabinet općinskog načelnika



Broj: 02-05-1818/17-AP-4
Datum: 11.05.2017. godine

Na osnovu održanog sastanaka Općinskog načelnika Mujanović Hašima sa privrednicima sa područja općine Zavidovići, koji je održan 11.05.2017. godine u velikoj sali zgrade Općine Zavidovići sa početkom u 14:00 sati, sastavljam

ZAPISNIK

Sastanak sa privrednicima sa područja općine Zavidovići sazvan je radi konsultacija oko formiranja Privrednog savjeta općine Zavidovići.

Na sastanku su bili prisutni: Općinski načelnik Hašim Mujanović; Džeraldina Miličević, pomoćnik načelnika u Službi za upravu ekonomskih poslova i poduzetništva; Nermin Čahtarević, sekretar općinskog organa državne službe; Bajrić Mahmut ispred PD „Kobra“ d.o.o.; Ibrahim Mujanović, ispred PD „Ferimpex“ d.o.o.; Kemal Mrahorović, ispred Udruženja samostalnih privrednika Zavidovići; Adis Merdić ispred PD „Erdi“ d.o.o.; Bukvić Enesa ispred PD „Ena Tex“ d.o.o.; Šušić Aldin ispred „RAZ“ d.o.o.; Rifet Bečić ispred PD „TTI“ d.o.o.; Vuković Nakib ispred PD „Weber - Masmont“ d.o.o.; Mrkonjić Zijad ispred PD „KM – Euro“ d.o.o.; Parić Birnas ispred PD „BN-Transport“ d.o.o.; Muharemović Halil ispred „Sloga – Zavidovići“ d.o.o.; Ljubović Namik ispred PD „Di-Namik“ d.o.o.; Heldovac Sefir ispred PD „Heldovac“ d.o.o. i Čatić Azem ispred PD „Prevoz Putnika“ d.o.o..

U uvodnom izlaganju Općinski načelnik Hašim Mujanović je objasnio da je svrha današnjeg sastanka potreba za osnivanjem Privrednog savjeta općine Zavidovići koji će aktivno sudjelovati u donošenju odluka važnih za unapređenje privrednog ambijenta na području općine Zavidovići i poboljšanje uslova privređivanja i investiranja. Također je istakao da je formiranje Privrednog savjeta općine Zavidovići nezaobilazna aktivnost u dodjeli BFC certifikata za općinu Zavidovići, koji treba biti rezultat ocjene da je općina Zavidovići područje sa povoljnim privrednim ambijentom za privređivanje i investiranje u privredu. Dalje je Općinski načelnik saopštio prisutnim da polovina članova privrednog savjeta moraju biti članovi koji dolaze iz privrednog sektora zbog njihovog iskustva i znanja o problemima sa kojima se susreću u svom radu i potencijalima za dalji razvoj privrede na području općine Zavidovići.

Džeraldina Miličević je dala informacije o BFC certifikatu, odnosno da je on verifikacija procesa koji će donijeti kvalitativna poboljšanja u funkcioniranju općinske administracije, a ne sam sebi cilj. Navedeni proces podrazumijeva uključivanje što većeg broja interesnih skupina u proces odlučivanja i donošenje odluka od značaja za život naše lokalne zajednice, a privrednici su svakako jedna od tih grupa. Neke od konkretnih aktivnosti koje će se provesti ili su već u toku jeste formiranje Biznis servis centra, tj. gupisanje različitih referata iz različitih službi, a koji su u funkciji kreiranja privlačnijeg poslovnog ambijenta, koji će biti dostupni na jednom mjestu i svima kojima su usluge koje se obavljaju iz njihovih oblasti potrebne. Također će biti kreirana web stranica namijenjena isključivo poslovnoj zajednici i iseljeništvu, gdje će biti dostupne sve informacije kojima Općina raspolaže, a koje ovim

interesnim skupinama mogu biti zanimljive, odnosno korisne. Također je naglasila, da se glas privrednika osluškuje i zahtjevi koji idu u pravcu smanjenja nameta usvajaju, te je u pripremi nova Odluka o administrativnim taksama, kao i Odluka o komunalnim taksama, te da će saradnja, koja zapravo traje godinama samo biti formalizirana, a naravno i unaprijeđena kroz formiranje Privrednog savjeta.

Nermin Čahtarević je napomenuo da će za Privredni savjet općine Zavidovići biti osigurana cjelokupna administrativna podrška i uslovi za rad od strane općinske administracije.

Općinski načelnik Hašim Mujanović je naveo da je pored formiranja Privrednog savjeta općine Zavidovići, važan segment u dodjeli BFC certifikata donošenje Prostornog plana općine Zavidovići čije se usvajanje očekuje u septembru i Strategije razvoja općine Zavidovići, te je pozvao aktivno učešće u donošenju ovih dokumenata. U pripremanju za postupak certificiranja se analizirao rad drugih općinskih administracija, rad Općine Žepče i Općine Kakanj i zaključilo se da njihove procedure nisu naprednije, niti su postupci jednostavniji.

Ibrahim Mujanović: Izrazio je zadovoljstvo što je došlo do ovog sastanka, te naveo da u općini Zavidovići postoje teškoće za razvoj privrede koje se ogledaju prije svega u nedostatku lokacija na kojima treba graditi razvoj privrede, da se prilikom određivanja lokacija za industrijsku zonu treba voditi računa da one budu u blizini grada u cilju smanjenja troškova prevoza i drugih troškova koji prate proizvodnju zbog udaljenosti od gradskog jezgra.

Također je imenovani istakao značaj dijaspore kojoj treba posvetiti pažnju kao resurs općine Zavidovići, koja posjeduje kapital i koja je spremna za investiranje, ali da joj se osiguraju sigurni uvjeti za ulaganje svog novca. Dalje je imenovani istakao značaj rješavanja pitanja imovine Krivaje kao resursa za razvoj privrede, i da nema inicijative da se ovo pitanje riješi. Nadalje je imenovani istakao da se treba raditi na školovanju potrebnih kadrova i prekvalifikaciji postojećih osoba koje se nalaze na evidenciji Biroa Zavidovići kao nezaposlena lica, u cilju obezbjeđenja radne snage.

Općinski načelnik Hašim Mujanović objašnjava prisutnim problem obezbjeđenja novih površina za industrijske zone i informiše prisutne o sudskom sporu koji vodi grupa građana povodom povrata zemljišnih parcela na „Potklečkim poljima“. Također saopštava prisutnim o njegovim poslaničkim aktivnostima u Skupštini Zeničko-dobojskog kantona u vezi zahtjeva da se od JP ŠPD ZDK d.o.o. Zavidovići preuzme zemljište na Potklečkim poljima i da se novi rasadnik formira uz rijeku Gostović.

Čatić Azem navodi da općina Zavidovići raspolaže sa potencijalima za razvoj, da posjedujemo još uvijek stručne ljude i praktičare koji se danas bave nekim privrednim granama. Također imenovani naglašava problem odlaganja otpada i smatra da bi se trebalo pristupiti njegovom recikliranju. Također imenovani navodi da bi trebalo akcenat staviti na prečišćavanje otpadnih voda. Također imenovani navodi da je svjestan da su mogućnosti općine male da se ovi projekti realiziraju i da projekte treba kandidovati prema Sarajevu gdje postoje finansijska sredstva za ove namjene. Imenovani dalje navodi da smatra da se pitanje privatizacije Krivaje treba rješavati u Zavidovićima, te da treba pristupiti rješavanju pitanja novih privrednih zona.

Đelmić Ernes navodi da pitanje rasadnika treba rješavati uz rijeku Gostović jer se radi o približno istoj nadmorskoj visini i prirodnim uslovima. Smatra da Udruženje samostalnih privrednika Zavidovići trenutno ne funkcioniše i da se treba u njegovom radu pristupiti kao u vremenima kada je ono brojalo oko 180 članova. Također navodi da privrednici trebaju ovdje uzeti ulogu i da se rukovodstvo Udruženja proširi i da ono bude pokretač inicijative u članjenja u Udruženje privrednika sa područja općine Zavidovići.

Muharemović Halil navodi da se slaže da se administracija Općine Žepče ne razlikuje puno od rada administracije Općine Zavidovići i da treba raditi na njezinom unapređenju. Također se slaže da je Udruženje privrednika Zavidovići bilo na zavidnom nivou i da taj rejting treba ponovo vratiti.

Mrahorović Kemal navodi da se slaže sa konstatacijom da Udruženje samostalnih privrednika Zavidovići ne funkcioniše dobro, te obrazlaže da se većina članova ne odaziva na pozive na sastanke, da većina nije prihvatila plaćanja članarine u iznosu 4,00 KM mjesečno koja se dalje uplaćuje Kantonalnom udruženju privrednika. Ističe da udruženje nema adekvatnih prostorija za rad, da imenovani vrlo često koristi svoja sredstva za organizovanje rada Udruženja. Također imenovani navodi da nema adekvatne opreme za rad Udruženja, niti kadrovske podrške za rad za potrebe Udruženja.

Mujanović Ibrahim predlaže da se od strane Općine Zavidovići finansira jedna osoba koja će raditi administrativne poslove za Udruženje bar prvih šest mjeseci, dok se Udruženje ne stavi u punu funkciju.

Općinski načelnik Hašim Mujanović navodi da je prijedlog dobar i da će se poraditi da se Udruženju samostalnih privrednika Zavidovići obezbijedi lice koje će obavljati administrativne poslove za Udruženje.

Nakon međusobnih konsultacija u Privredni savjet općine Zavidovići se predlažu kao članovi i zamjenski članovi sljedeći privrednici: Bukvić Enesa, Đelmić Ernes, Žilić Aldin, Ibrahim Mujanović, Halil Muharemović, Bečić Rifet, Omerašević Nuraga i Čatić Azem.

Sastanak završen u 15:10 sati














ZAPISNIK SAČINIO

Nermin Čahtarević



SPISAK

prisutnih na sastanku Općinskog načelnika sa privrednicima Općine Zavidovići
održane dana 11.05.2017.godine

Red. broj	PREZIME I IME	NAZIV INSTITUCIJE/PRIVREDNO G DRUŠTVA	KONTAKT TELEFONE/E-MAIL	POTPIS
1.	BADRIĆ MAHAMUT	KOBEA D.O.O.	061/166-547 mahmut.kobic@gnm/salon	
2.	IBRAHIM MUJANJONC	FEEMPEX D.O.O.	061/175-796	
3.	KEMAL MRAHROVIĆ	KM MARKET D.O.O.	061/166-928	
4.	ADIS NERVIĆ	EROI D.O.O.	061/403-409	
5.	DUKVIĆ ENESA	ENA-TEX D.O.O.	062/318-009	
6.	ŠUŠIĆ ALDIN	Razvojni agencija Zavidovići	061/433-252 aldin.susic@rat.ba	
7.	Rafet Bešlić	TTI D.O.O.	061/199615	
8.	ŽIKIĆ AZIRO	CIVIDACE D.O.O.	061-016 251	
9.	VUKOVIĆ MARKO	VIFEER-MANTRONT DOO	062 336 959	
10.	MIRKONJIĆ FIJETA	KEM-EURO D.O.O.	062 932 988	
11.	Panić Branka	BN-TRANSPORT D.O.O.	061-297-486	
12.	MUHAREMOVIĆ HANA	D.O.O. "SLOGA-ZAVIDOVIĆI" AG	061-991-819	
13.	KURBIOVIĆ NANA	OTVANKA D.O.O.	061-710 146	

Bijeljina

14.	Heřtoldová Štefán	Č.P. Heřtoldová " Zámce	OB 1166 244	<i>[Signature]</i>
15.	MILNÍČEK EMIL	" SEM MATEJSTINA " JAW.	OB 1141 557	<i>[Signature]</i>
16.	ČAŤAČÍ AZEŇ	Prevoz putovníke A.O. O.	OB 2 / 342-619	<i>[Signature]</i>
17.	DĚBĚŘADINA MILČEŇČÍ	OPĚLPA ZAVIDOVČÍ	OB 1 / 153-544	<i>[Signature]</i>
18.	KERŇAL ČAMBERŇ	ORĚŇAŇ ZAVIDOVČÍ	OB 1- P 55-140	<i>[Signature]</i>
19.				
20.				
21.				
22.				
23.				
24.				
25.				
26.				
27.				
28.				
29.				
30.				